

RIKISLÖGREGLUSTJÓRINN	SKÝRSLA YFIRHEYRSLA SAKBORNINGUR/GRUNADUR	R L S	
Skýrslu gerir Sveinn I. Magnússon, lögreglufulltrúi	Mál nr. 006-2002-0086	V/3.6	
Staður og stund : Reykjavík - mánudaginn 11. apríl 2005. Klukkan 14:00			
Sakarefni: Ætlaður fjádráttur – brot á lögum um bókhald			
Sakborningur/grunaður: Kristín Jóhannesdóttir	Kennitala: 090363-3959		
Starf/staða: Framkvæmdastjóri Fjárfestingarfélagsins Gaumur hf	Vinnusími: 588-9990		
Lögheimili: Barðaströnd 9, Seltjarnarnes	Sími: 561-1144 / 864-3539		
Dvalarstaður:	Sími:		

Kristín er mætt til yfirheyrslu á skrifstofu efnahagsbrotadeildar samkvæmt boðun. Henni er kynnt ástæða skýrslutökunnar sem varðar 95 milljón króna greiðslu úr sjóðum Baugs þann 15. júní 2001, sem og viðskipti Baugs-Group hf með hlutabréf í Arcadia og uppgjör í tengslum við yfirtöku Baugs-Group hf á A-Holding, dótturfélagi Baugs-Group hf

Kristínu er kynnt að 95 milljón króna greiðslan hafi verið til rannsóknar með tilliti til ákvæða 247. gr. alm. hgl. og í ljósi fyrirliggjandi gagna um ráðstöfun umræddra fjármuna, tengsla hennar við Gaum ehf og annarra aðstæðna málsins, sé talið rétt að hún njóti réttarstöðu sakbornings við þessa yfirheyrslu.

Kristínu er kynnt að sem sakborningur þá þurfi hún ekki að tjá sig um sakarefnið frekar en hún vilji. Áminnt um sannsögli varðandi þau atriði sem hún kys að tjá sig um og fyrir henni brýnt að draga ekkert það undan sem máli kann að skipta. Viðstödd yfirheyrsluna er Kristín Edwald, hdl. skipaður verjandi Kristínar. Kristínu er jafnframt kynnt að hún þurfi ekki að tjá sig um ætluð brot Jóns Ásgeirs Jóhannessonar, bróður hennar.

Kristín kveðst þekkja þessi réttarfarsákvæði og vera reiðubúin að tjá sig.

Kristínu er kynnt að þann 15. júní 2001, hafi 95 milljón króna greiðsla borist frá Baugi-Group hf. inn á bankareikning Kaupthings Bank Luxembourg nr. 1100-26-454080 hjá Sparisjóðabanka Íslands.

Kristínu er jafnframt kynnt að í bókhaldi Baugs hafi umrædd greiðsla kr. 95.000.000 frá 15. júní 2001 verið færð sem krafa vegna útlagðs kostnaðar vegna kaupa á hlutabréfum í Arcadia á bókhaldslykil nr. 61152. Textinn á færslunni var “Ráðgjöf v/A-holding” og fylgiskjal að baki færslunni var útskrift á tölvupósti frá JÁJ til linda@baugur.is þar sem fyrirmæli voru um að greiða fyrrgreinda fjárhæð inn á reikning Kaupþings Ármúla. Inn á þessa útprentun á tölvupóstinum hefur verið handskrifað m.a. “eignfæra”, “Ráðgjöf v/A-holding”, “Viðskiptafæra á Baug Holding” og loks “Vantar reikning”. Umrætt fylgiskjal er jafnframt borið undir Kristínu.

Kristín er nú spurð hvort hún geti á einhvern hátt gert grein fyrir þessari greiðslu sem barst frá Baugi til Kaupþings Luxembourg og samkvæmt skýringum í bókhaldi Baugs skýrð sem ráðgjafargreiðsla til Kaupþings vegna A-Holding.

Kristín kveðst ekki minnst þess að hafa séð þetta fylgiskjal úr bókhaldi Baugs áður. Hún kveðst ekki minnst þess að hafa haft vitneskju um þessa greiðslu á þeim tíma sem hún var greidd, en kveðst vita að Jóni Ásgeiri var á þessum tíma falið að ganga frá málum varðandi yfirtöku Baugs á A-Holding og ljúka því máli. Hún segir þetta vera sömu fjárhæð og rann til Gaums vegna þátttöku Gaums í A-Holding. Hún kveðst hins vegar ekki geta gert nákvæma grein fyrir því hvernig þetta var nákvæmlega gert upp og hvernig framkvæmdin var.

06880

KA

Undir Kristínu er borinn reikningur sem gefinn var út af Baugi þann 28.02.2002, reikningurinn er nr. SR05724, stílaður á A-Holding. Virðist sem þar sé verið að skuldfæra A Holding fyrir útlögðum kostnaði, samtals að fjárhæð 425,3 mkr. Kristínu er bent á að í sundurliðun reikningsins komi fram fjárhæðin 95.000.000 króna með skýringunni "Paid to Kaupthing (GBP 710.015)". Kristín er spurð hvort hún hafi séð þennan reikning áður og á hvaða forsendum reikningurinn hafi verið gerður.

Kristín kveðst ekki minnst þess að hafa séð þennan reikning áður og kveðst ekki geta gert frekari grein fyrir þessum reikningi.

Undir Kristínu er borinn tölvupóstur frá Önnu Þórðardóttur til Tryggva Jónssonar frá 01.11.2001, sem fannst við rannsókn lögreglu á tölvu Tryggva. Í tölvupóstinum er Anna að fjalla um uppsetningu á bókhaldi Baugs Holding og A Holding. Viðhengi með tölvupóstinum er fundargerð frá fundi í Luxembourg.

Fundargerðin sem sent var sem viðhengi með tölvupóstinum er dagsett þann 27.09.2001 og fundarmenn sagðir hafa verið Tryggvi Jónsson og Jóhanna Waagfjörð frá Baugi, Magnús og Eggert frá Kaupþingi Lux og Anna Þórðardóttir frá KPMG. Í umræddri fundargerð kemur m.a. fram "95 millj. kr. voru greiddar til Kaupþings af Baugi hf. Tryggvi vissi ekki hvaða greiðsla þetta var en hann ætlar að ræða málið við Jón Ásgeir." Kristín er spurð hvort hún kunnir einhverjar skýringar á því að yfirmönnum á fjármálasviði Baugs og endurskoðendum hafi ekki verið kunnugt um þessa 95 milljón króna greiðslu.

Kristín kveðst ekki kunna neina skýringu á því.

Kristínu er kynnt að við rannsókn lögreglu hafi komið í ljós að umrædd 95 milljón króna greiðsla hafi ekki runnið til Kaupþings Luxembourg, heldur sem hlutafjárframlag Jóns Ásgeirs Jóhannessonar og Gaums ehf til FBA Holding SA, dótturfélags Orca SA, en Jón Ásgeir og Gaumur ehf hafi átt u.þ.b. 25% eignarhlut í Orca SA, á þessum tíma. Kristín er spurð um aðkomu hennar að þessari hlutafjárukningu í FBA Holding SA.

Kristín kveðst ekki minnst þess að hafa átt neina aðkomu að hlutafjárukningunni í FBA Holding. Hún segir Jón Ásgeir hafa séð um málefni FBA Holding fyrir Gaum á þessum tíma.

Aðspurð kveðst Kristín ekki haft vitneskju um það á þessum tíma, þ.e. í júní 2001, að þessar 95 milljónir hafi runnið til FBA Holding SA í formi hlutafjárframlags Gaums í FBA Holding.

Kristínu er kynnt að í ljósi þeirra skýringa sem fram hafa komið hjá forsvarsmönnum Baugs eftir aðgerðir lögreglu í Luxembourg sé lögreglu nauðsynlegt að spyrja hana út í viðskipti Baugs-Group hf með hlutabréf í Arcadia og uppgjör í tengslum við yfirtöku Baugs-Group hf á A-Holding, dótturfélagi Baugs-Group hf

Kristín er beðin um að gera grein fyrir fjárfestingarstefnu Baugs-Group hf og aðkomu stjórnar félagsins að henni á tímabilinu 2000-2001.

Kristín segir það hafa verið stefna félagsins að leita að heppilegum fjárfestingarkostum og þá aðallega á smásöllumarkaðinum, Arcadia hafi einmitt verið slíkur fjárfestingarkostur sem félagið hafi ákveðið að fjárfesta í.

Kristín er beðin um að gera grein fyrir umfjöllun og ákvörðunum stjórnar Baugs-Group í tengslum við viðskipti er varða kaup Baugs og annarra íslenskra aðila á hlutabréfum í Arcadia og stofnun félagsins A-Holding, gagngert til að halda utan um fjárfestinguna í Arcadia. Til upprifjunar og hliðsjónar eru fundargerðir stjórnar Baugs-Group hf, frá 16.03.2001 og 04.05.2001, bornar undir Kristínu, en

samkvæmt þeim fundargerðum sat hún þá fundi. Málefni tengd Arcadia voru einnig til umfjöllunar á fundum stjórnar þann 12.01.2001 og 29.01.2001, en samkvæmt fundargerðum stjórnar hefur Kristín ekki setið þá fundi.

Kristín segir að strax á fundunum í janúar hafi legið fyrir ákvörðun stjórnar Baugs að stofna A-Holding með íslensku fjárfestunum, þ.e. Kaupþingi, Íslandsbanka, Gaumi og síðar einnig Gildingu. Jafnframt hafi legið fyrir að gerður yrði samningur um kauprétt Baugs á öllu hlutafé A-Holding, þannig að Baugur gæti yfirtekið félagið.

Þá hafi einnig verið ákveðið af stjórn að leita eftir samþykki um að auka hlutafé í Baugi til að greiða í skiptum fyrir bréfin í A-Holding.

Á stjórnarfundinum í maí 2001 hafi legið fyrir samþykki aðalfundar um hlutafjárukningu og framkvæmdastjórn veitt heimild til að ganga frá samningum við hina hluthafana í A-Holding. Að öðru leyti kveðst Kristín vísa í ofangreindar fundargerðir stjórnar Baugs, þær séu nokkuð lýsandi um þetta.

Kristínu er kynnt að lögregla hafi í þágu rannsóknar málsins fengið afhentan hluthafasamning hluthafa A-Holding, frá 4. apríl 2001. Jafnframt var þann sama dag gerður samningur "Deed of Call Option" sem er á milli Baugs og A-Holding. Þar fær Baugur kauprétt til að kaupa hlutabréf A-Holding í Arcadia á fyrirfram skilgreindu verði á fyrirfram skilgreindu tímabili, þ.e. að Baugur ætti rétt á að kaupa öll hlutabréf A-Holding í Arcadia með 34% álagi á kostnaðarverð A-Holding, fyrir þann 28. febrúar 2002, auk þess sem Baugur tæki á sig þann kostnað sem A-Holding hafði haft vegna hlutabréfanna, samanber tl. 3.C í samningnum. Kristín er spurð hvort hún þekki þessa samninga aftur og beðin um að gera grein fyrir aðkomu sinni að gerð samninganna, þá bæði sem framkvæmdastjóri Gaums og varamaður stjórnar Baugs.

Kristín kveðst ekki minnst þess að hafa komið að gerð þessara samninga. Aðalstjórnarmenn í Baugi hafi að öllum líkindum komið að þessu máli. Kristín tekur það fram að stjórn Gaums Holding sé í höndum Magnúsar Guðmundssonar og Eggerts Hilmarssonar. Kristín segir að þeir hafi séð um þetta mál fyrir hönd Gaums Holding.

Samkvæmt gögnum sem Hreinn Loftsson hefur afhent lögreglu var þessi kaupréttarsamningur ekki nýttur af hálfu Baugs heldur gert nýtt samkomulag um yfirtöku Baugs á A-Holding. Í því sambandi er kaupsamningur dags. 10. maí 2001, borinn undir Kristínu, en samkvæmt honum keypti Baugur alla hluti í A-Holding með 16% álagi og greiddi með hlutabréfum í Baugi á genginu 12,6 að nafnverði. Verðið er skilgreint í 2. gr. samningsins og útreiknað á Schedule 1 með samningnum, og þar skipt á hluthafa ásamt greiðslu með hlutabréfum í Baugi. Kristín er beðin um að gera grein fyrir aðkomu sinni að þessum samningi og spurð hvernig fjallað hafi verið um þennan nýja samning af hálfu stjórnar Baugs.

Kristín kveðst vísa til fundargerðar stjórnar Baugs frá 4. maí 2001 og kveðst líta svo á að um sé að ræða frágang á því máli. Hún kveðst sjálf ekkert hafa komið að gerð þessa samnings. Kristín kveðst hafa fengið umboð frá Eggerti Hilmarssyni stjórnarmanni í Gaumi Holding til að undirritað samninginn. Að öðru leyti kveðst hún ekki minnst þess að hafa komið að þessum samningi með beinum hætti og kveðst ekki minnst þess að hafa tekið þátt í að semja um kaupverðið.

Kristín er spurð hvort hún viti til þess að hluthafarnir í A-Holding hafi fengið einhverjar aðrar greiðslur fyrir að falla frá kaupréttarsamningnum frá 4. apríl 2001 og samþykkja samninginn frá 10. maí 2001, í tengslum við kaup Baugs á öllu hlutafé í félaginu, sem samkvæmt samningnum var greitt með hlutabréfum í Baugi.

Kristín kveðst ekki minnst þess að hafa haft vitneskju um slíkar bætur á þeim tíma þegar samningurinn var gerður þann 10. maí 2001. Hún kveðst síðar hafa fengið þær skýringar frá Jóni Ásgeiri að um slíkar

bætur hafi verið að ræða og kveðst í því sambandi vísa til greinargerðar þeirrar sem Jón Ásgeir afhenti lögreglu í tengslum við rannsókn lögreglu á þessum 95 milljónum.

Hún kveðst einnig vísa til þess umboðs sem Jón Ásgeir hafði frá stjórn félagsins til að ganga frá samningi við hluthafa A-Holding og kveðst einnig vilja vísa til ákvæða 5. gr. samningsins frá 10. maí 2001, þar sem fram komi að Baugur greiði allan útlagðan kostnað vegna A-Holding.

Kristín er spurð hvort hún kannist við og e.a. hvort fjallað hafi verið um það á fundum stjórnar Baugs að greiddar yrðu sérstakar bætur eða þóknanir til hluthafa í A-Holding SA, fyrir að falla frá kauprétti í Arcadia.

Kristín kveðst vísa í samninginn frá 10. maí 2001 og þá heimild sem stjórnin gaf Jóni Ásgeiri á stjórnarfundinum þann 4. maí 2001.

Kristín er spurð hvort Jón Ásgeir Jóhannesson hafi haft (almenna) heimild frá stjórn Baugs til að gera samninga við Gaum, sem hann jafnframt er eigandi að, án þess að bera slíka samninga undir stjórn Baugs, eða gera grein fyrir þeim gagnvart stjórn Baugs.

Kristín tekur það fram að stjórn Baugs hafi verið kunnugt um það að Gaumur var einn af hluthöfum A-Holding og Jóni Ásgeiri hafi verið gefið umboð til að ganga frá samningi við Gaum eins og aðra hluthafa A-Holding.

Undir Kristínu er borin fundargerð stjórnar Baugs frá 4. maí 2001, en þar segir m.a. í 5. tölulið:

“JAJ described the proposal to the Board of buying our partners in A Holding which holds 20% in Arcadia, and pay them with shares in Baugur at the rate of 12,6 per share in Baugur. The purchase price would be 9 bill. Icel. kr. and paid with nominal value of shares in Baugur amounting to 446 mill., which equals 5,6 bill. In market value. The difference of 3,4 bill. is a loan from Deutsche Bank to A Holding...”

“The Board accepted the proposal to buy out partners in A Holding. The management was instructed to carry out this decision.”

Umrædd tillaga Jóns Ásgeirs á stjórnarfundinum felur í sér skýra lýsingu á því hvað eigi að kaupa og hvernig eigi að greiða fyrir kaupin. Framkvæmdastjórn er síðan falið af stjórn félagsins að framkvæma þá ákvörðun. Kristín er spurð hvort hún telji að í umræddri ákvörðun stjórnar felist heimild til framkvæmdastjórnar að greiða hluthöfunum viðbótargreiðslur umfram þá tillögu sem stjórnin samþykkti, svo nemi hundruðum milljóna króna.

Kristín segir að ef það hafi verið það sem þurfti til að klára þetta mál, þá hafi Jón Ásgeir haft umboð til þess. Hann hafi fengið umboð til að klára þetta mál.

Kristínu er kynnt að fyrir liggi reglur stjórnar Baugs Group hf sem samþykktar voru á 9. stjórnarfundum félagsins þann 7. janúar 1999.

Liður 7 - í fyrrgreindum reglum er:

“Málefni sem ekki teljast til daglegs rekstrar eða ráðstafanir sem eru óvenjulegar eða mikilsháttar og ekki hafa verið samþykktar í viðskiptaáætlun félagsins ber að leggja fyrir stjórn til umfjöllunar og sérstakrar samþykktar hverju sinni. Dæmi um mál sem hér er átt við eru fjárfestingar sem ekki hafa verið samþykktar og taka til hærri fjárhæðar en 20-25 milljón króna. Ef ekki er ráðrúm til að ná saman formlegum stjórnarfundum er samþykkis leitað óformlega og staðfest á næsta stjórnarfundum. Þetta á þó ekki við ef um fjárfestingu í rekstrartækjum eða búnaði er að ræða og þess er gætt að heildarfjárfesting verði ekki umfram þá heildarfjárfestingu sem samþykkt var í viðskiptaáætlun.

Hér undir falla einnig fjárfestingar í öðrum félögum, sala á hluta af starfsemi félagsins, kaup og sala fasteigna og hvers konar þátttaka í óskyldum rekstri.

Viðskipti Baugs hf. við félög eða aðila sem eru tengdir félaginu skulu lögð fyrir stjórn til samþykktar.

Samþykkis skal jafnan leitað fyrirfram nema brýnar aðstæður krefjist svo skjótra viðbragða að slíkt sé ekki unnt."

Kristín er spurð hvort hún þekki þessar reglur sem stjórnin sett í janúar 1999.

Kristín segir þetta vera þær reglur sem lágu fyrir á þeim tíma hjá félaginu og voru settar áður en Kristín hafi komið inn sem varamaður í stjórn félagsins.

Kristínu er kynnt samkvæmt greinargerð sem Hreinn Loftsson hefur afhent lögreglu, sem og greinargerð sem Jón Ásgeir hefur afhent lögreglu af þessu tilefni, þá hafi verið tekin hafi ákvörðun um það innan Baugs að greiða eftirfarandi hluthöfum í A-Holding, aukalegar þóknunar við yfirtöku Baugs á A-Holding sem hér segir: Kaupþingi 300-400 milljónir króna, Íslandsbanka um 70-75 milljónir króna og Gaumi 95 milljónir króna. Samtals 470-570 milljónir króna umfram það kaupverð sem getið er í samningnum frá 10. maí 2001, sem greitt var með hlutabréfum í Baugi-Group hf

Kristín er spurð hvort ákvarðanir um slíkar greiðslur, ef þær hafa átt sér stað, hefði átt að bera undir stjórn félagsins.

Kristín segir að með ákvörðunum stjórnar á fundinum 4. maí 2001 og með undirritun Hreins Loftssonar á samningnum frá 10. maí 2001, í umboði stjórnar Baugs, hafi legið fyrir að það væri kostnaður umfram það kaupverð sem getið er í samningnum. Kristín vísar þar til ákvæða 3. gr. samningsins og 5. gr. en þar kemur fram að Baugur greiði ákveðinn kostnað sem skírður er í umræddum ákvæðum samningsins.

Kristín er beðin um að gera grein fyrir því hvernig farið hafi verið með umrædda 95 milljón króna greiðslu í bókhaldi Gaums Holding, þann 15. júní 2001, ef um var að ræða viðbótarþóknun til Gaums í tengslum við yfirtöku Baugs á A-Holding.

Kristín segir að ekki hafi legið fyrir upplýsingar frá FBA Holding varðandi þessa greiðslu fyrr en í leiðréttingarfærslum fyrir árið 2003. Þannig hafi ekkert verið bókað um þessa greiðslu fyrr en niðurstaða lá fyrir frá FBA Holding.

Til nánari skýringa tekur Kristín það fram að Gaumur ehf hafi verið hluthafi í FBA Holding. Þessi greiðsla hafi verið bókuð sem tekjur hjá Gaumi Holding og á móti sem krafa á Gaum ehf. Hjá Gaumi ehf hafi þetta verið skuldfært á Gaum Holding og eignfært á hlutabréf í FBA Holding. Þessar leiðréttingar hafi verið gerðar á árinu 2003 og sé bókað með þessum hætti hjá félögunum.

Kristínu er kynnt að ekki sé hægt að finna því stað í fundargerðum stjórnar Baugs frá þessum tíma að ákvörðun hafi verið tekin um að greiða hluthöfum A-Holding viðbótarþóknun umfram umsamið kaupverð við yfirtöku Baugs á A-Holding. Er það í samræmi við þær tilkynningar sem Baugur hefur sent frá sér til Kauphallar Íslands varðandi yfirtökuna á A-Holding. Þá hafa fyrrverandi stjórnarmenn Baugs, þau Guðfinna Bjarnadóttir og Þorgeir Baldursson borið því við í skýrslutöku hjá lögreglu að þau reki ekki minni til þess að rætt hafi verið um slíkar viðbótarþóknunar á stjórnarfundum Baugs. Ennfremur hafi Árni Oddur Þórðarsson, sem starfaði hjá Gildingunni á umræddu tímabili, greint frá því við skýrslutöku hjá lögreglu að aldrei hafi verið rætt um neinar viðbótagreiðslur við yfirtökuna, umfram umsamið kaupverð eins og það kemur fram í samningnum frá 10. maí 2001. Hann kvaðst jafnframt hafa setið hluthafafund Baugs þar sem ákvörðun var tekin um að auka hlutafé í félaginu um 500 milljónir að

nafnverði til að greiða hluthöfum A-Holding við yfirtökuna. Þar hafi heldur ekki verið rætt um viðbótargreiðslur til hluthafa A-Holding. Þar að auki hafa fyrrverandi hluthafar í A-Holding ekki getað framvísað neinum þeim bókhaldsgögnum eða samningum sem bera það með sér að tengjast slíkum viðbótargreiðslum. Kristín er beðin um að taka afstöðu til þessa.

Kristín kveðst ítreka það sem hún hafi þegar sagt í þessari skýrslu og bendir á það sem komi fram í fundargerð stjórnar Baugs frá 4. maí 2001 og samninginn frá 10. maí 2001.

Undir Kristínu er borin tölvupóstsamskipti milli hennar og Jóns Ásgeirs þann 16. apríl 2003, sem fundust við rannsókn SRS á tölvu Kristínar.

Þar skrifar Jón Ásgeir m.a.: *“...Síðan mér vantar 25 millis strax verð að greiða af þessum 95 marg ítrekað...”*

Kristín svarar Jóni Ásgeiri og segir m.a.: *“...Eitt varðandi þessar 95 millj þá eins og ég hef sagt þér að þá hafa þær ekki verið bókaðar sem krafa frá þér á Gaum. Skiptir þar máli að þessi pen hafa ekki farið í gegnum þitt skattframtal hér og hvaðan eiga þessir pen. að hafa komið? Ef ég læt þig hafa t.d. þessar 25 millj þá eina leiðin að setja það á viðskiptareikn þinn hjá félaginu sem ég vil ekki gera brennd af “meintum” lánum til hluthafa. Ég er reyndar að fá Flugle arðinn væntanlega á þriðjudag og gæti þess vegna greitt þessar 25 millj en það verður að finna einhverja aðra leið en að setja þetta á viðskiptareikn??”*

Kristín er beðin um að gera grein fyrir þessum samskiptum og þeim 95 milljónum sem þar eru nefndar.

Kristín kveðst ekki muna eftir þessu og kveðst ekki átta sig á þeim 95 milljónum sem þau eru að ræða þarna og því síður kveðst hún átta sig á hvort þetta tengist þeim 95 milljónum sem hafa verið til umræðu við þessa skýrslutöku.

Undir Kristínu er einnig borinn tölvupóstur frá Jóni Ásgeiri til hennar þann 26.02.2003, en þar kemur m.a. fram: *“Þá færð þú mikið cash en minni á að mér vantar c.a. 50 milljónir á móti þessum 95.”*

Kristín er beðin um að gera grein fyrir þessu.

Kristín kveðst heldur ekki átta sig á því sem um er rætt í þessum tölvupósti frá Jóni Ásgeiri.

Kristín er beðin um að gera grein fyrir greiðslum sem runnu til Jóns Ásgeir í tengslum við uppgjör á FBA Holding og Orca SA. Nánar tiltekið er um að ræða greiðslu að fjárhæð kr. 35.000.000 þann 13.06.2002, kr. 30.000.000 þann 27.06.2002 og 30.000.000 þann 17.09.2002, samtals að fjárhæð kr. 95.000.000.

Kristín segir að þetta sé alveg ótengt þeim greiðslum hafa verið til umfjöllunar hér í dag. Þessar þrjár greiðslur tengist uppgjörinu á FBA Holding og komi yfirtöku Baugs A-Holding ekkert við.

Kristín er spurð hvort hún hafi einhverju við framburð sinn að bæta.


Kristín kveðst ekkert fleira hafa um málið að segja.

Kristín Edwald óskar eftir afritum af skýrslu þessari og öllum málsskjölum varðandi mál þetta sem ekki hafa þegar verið afhent.

Skýrslutöku lauk kl. 16³⁰.


Staðfest rétt eftir haft:

Skýrsluna skráði:


Kristín Jóhannesdóttir


Sveinn I. Magnússon

Verjandi Kristínar:


Kristín Edwald, hdl.